

## ابن سینانین مدینه فاضله‌سی

ابن سینا شفانین اونونجو مقاله‌سینده و نجات کتابی‌نین آخیرینده اؤز مطلوب انسانی جامعه‌سی‌نین نجه‌لیغی باره‌ده دانیشیب و اونو «مدینه عادلّه» آدلاندریب.

ابن سینا شفانین اونونجو مقاله‌سینده و نجات کتابی‌نین آخیرینده اؤز مطلوب انسانی جامعه‌سی‌نین نجه‌لیغی باره‌ده دانیشیب و اونو «مدینه عادلّه» آدلاندریب.

او الاهیّات شفاسیندا «فی عقد المدینة و عقد البیت» آدیندا بیر میحث ضمنینده مدینه و خانواده بناسینی قویماغین نجه‌لیغی باره‌ده بحث ائله‌یب. او بو میحنده مدینه اهلی‌نین قشرلری و طبقه‌لری و اونا حالکم اولان قانونلار باره‌ده بحث ائله‌یب.

شیخ الرئیس همان مقاله‌ده «خليفة و امام و اوندان اطاعت ائله‌ماغین واجلیغی و سیاستلرین نوعلری، معاملهلر و اخلاق» آدیندا بحث‌ده آچیب اما اوردا سیاسی نظاملار باره‌سینده دانیشما‌یب بلکه اؤزونون مطلوب سیاسی سیستمینی توضیح وئریب.

اونون نظرینه گؤره پیغمبرین «عقل قدسی» آدیندا کامل اولموش عقلی اولدوغونا گؤره، معرفت منبعی یعنی فعال عقل اینن مرتب‌دیر. بونا گؤره اونون اجتماعی موقعیتی و سیاسی اختیارلاری آیریلاریندان فرقلی و ممتاز‌دیر. ابن سینا اعجاز و نبوتّه بوجور باخدیغی اوچون انسانلاری دؤرد یئره بؤلوب:

بیر دسته‌نین نظری قوه‌سی صفانین بیر حدّینه چاتیپ کی انسانی معلّمه احتیاجلاری یوخدور و اوللارین عملی قوه‌لری بیر حده چاتیپ کی متخلیه قوه‌سی‌نین گوجو اینن ایندی و گله‌جاغین اتفاقاتینا آگاه اولورلار و دنیا‌دا معجزه‌لی ایشلر گؤره بیلیرلر. ایکینجی دسته، حدّی قوه کمالینا چاتیپلار امامتخیله قوه کمالینا چاتما‌یبیلار. اوچونجو دسته‌نین نظری قوه‌لری کاملدی اما عملی قوه‌دن بهره‌سیزدیلر. دؤردونجو دسته ده اؤز هم‌نوعلارینا فقط عملی قوه‌سایه‌سینده توفّق تاپیرلار.

حکومت بیرینجی دسته‌نیندیر چونکی اوللاری عقللری واسطه‌سی اینن عقول عالمینده و نفسلری واسطه‌سی اینن طبیعت عالمینده یاشیرلار. بونا گؤره کی اونا تدبیر و تسلط شایسته‌لیقلار وار. سیاسی قدرتین تمشیتی‌ده ایکینجی دسته‌یه عایدیر.

دؤردونجو دسته ده اشرافیتّه چاتیرلار. اوللار عادی طبقه‌لردن ممتاز اولسالار دا فوق العاده قوه‌لری اولمادیقلاری اوچون فقط عملی فضیلتلری اله گتیرماق اوچون چالیشیرلار.

لینک مطلب در سایت : <http://torki.tebyan-tabriz.ir/?MID=21&Type=News&id=963>